

皇國名醫傳

上

内務省圖書  
 第.....號  
 書部.....類  
 見百十.....函  
 共三.....冊

大藏官文庫  
 和書門  
 一六三九  
 二一三九  
 三〇〇九  
 冊架

388  
 内務省文庫  
 和書門  
 一六三九  
 二一三九  
 三〇〇九  
 冊架

内閣文庫	
番號	和 11639
冊數	3 ( 1 )
函號	157 388





糊などで貼り付けられている部分がめくれない箇所あり

栗園淺田先生著

# 皇國名醫傳

勿誤藥室藏

崑




叙

語云。人而無恒。不可以作巫醫。豈不信然歟。夫有恒之人。而後可以為醫。則名醫之寡。不足疑也。頃日淺田生持皇國名醫傳來。曰是書惟常所編述。將壽梓以公於世。幸賜一言。受而觀之。慶元而來。以醫名世者。就群

皇國名醫傳

勿誤藥室藏




書中採摭之輯為三卷。予固不知方  
技。然每慨世之業醫者。率皆售術競  
名。爭立意見。或至斃患者於一七半  
劑之際。而恬不置意。豈可謂之有恒  
人乎。抑嘗聞之。醫者意也。意以察其  
病。目盡其治法。而始可以為醫焉。然  
則業醫者。初視古人為學之勤。次審

立方之精。攷古證今。隨時立案。可以  
議脈息論治法也。今此書一在視古。  
而不貳其心。殆所謂有恒者歟。他日  
業益進。名益顯。彙其所經驗者。與斯  
編並傳。則其有益於醫林。可刮目而  
俟焉。淺田生名。惟常。字識此。信濃人。  
今以醫行於世。

嘉永庚戌清和月題於冰臺錫秋堂

寓居藕潢主人林煒



關研書



皇國名醫傳序

皇國名醫輩出世不乏人。而史籍所傳。仍不過  
僅僅數子。願古人淳朴。不欲敢自衒耀。以要聲  
名。而當時無有載筆之士。能顯揚之者。往往偏  
存其名氏而已。迨寬文中。黑川道祐著本朝醫  
攷。略為之擗撫。近日平安源元幹撰報恩抄。戢  
香寂勤。學者稍有所攷。然所錄特止前世。而不  
及近代焉。慶元戡定以來。高手蔚起。其事跡學  
術。殆可概見。而亦未聞有載筆之士。旁搜編纂

以為一書者。豈非醫林之缺典也耶。信濃淺田  
識此。蓋有慨于此。恐其年遠事晦。漸就湮滅。倘  
不蚤加表章。則後世將無所取信也。是以十數  
年來。殫力檢討。於諸家碑碣。先儒文集。及脞記  
勝說。與見聞所熟者。蒐羅薈萃。獲百有餘人。編  
為三卷。於是二百年來。名醫之事跡學術。爛如  
觀火。真為能補從前之缺典。其功誠不淺鮮也。  
嗟夫。自足利氏失馭。海內鼎沸。人無用心道藝  
者。醫家亦僅奉宋局方等。固陋自安。時有翠竹

先生者出。專宗李朱之法。參以恒德雲林諸家。  
造詣極深。治效亦夥。天下翕然嚮風。此醫道之  
一變也。自時厥後。一主穩重。其弊至迂拘卑泥  
姑息養癰而不自知。於是艮山秀庵東洞諸先  
生。首倡復古之說。意在革除舊習。直窺長沙。闡  
奧然懲創太過。或失武斷。此醫道之再變也。末  
學承流。徒守言筌。而其弊至攻下泛投。草菅人  
命。是以天明寬政之際。京師有若楓亭。台州東  
郭諸人。江戶有若我藍溪。樸蔭兩先生。精心覃

思折衷今古。補瀉溫涼。無所偏執。從前陋弊。一洗殆盡。此醫道之三變也。頃日以來。醫者雖務為持平。大抵因循。公嚴不知變通。其間或騁竒好異。蔑棄正軌者有之矣。則其弊有甚於曩時者。而醫道之變。蓋亦極矣。此通識之士之所長大息。而識此撰是書之意。其亦將使有攷于此也。元堅無似。謬班衆醫之右。不能挽頽波以裨人世。有恥于前賢深矣。詎敢序于是書乎。雖然既已喜名醫之有傳。又竊幸附驥尾而傳名于

後。及其乞序也。推識此之意。敢題數言。以誌讀者。

嘉永四年。歲在辛亥。正月之吉。江戸侍醫尚藥。兼醫學教諭。樂真院法印丹波元堅亦柔撰。



長陵侯人澤俊卿書



皇國名醫傳序

皇國名醫傳序

史之立傳。自古稱難。而鑿之傳更難矣。如左氏說和緩。太史傳扁倉。文雖竒古。典雅。而彼固非精于醫者。則上池之秘。育膏之訣。不能悉傳也。其後范蔚宗之於郭玉。陳承祚之於華佗。乃列之方伎。而與日者龜卜為伍。其言譎詭不足深信焉。唐甘伯宗著名鑿傳。惜其書亡佚。

不存。迨李漁編醫史圖書集成收醫術  
列傳。雖載錄頗廣。且唯不過薈萃成篇  
而已。蓋醫之傳愈久而愈不明矣。我  
邦名手碩工。古不乏其人。寬文間。藝陽  
黑川道祐掇拾諸家。撰本朝醫攷一書。  
而掛漏亦多矣。余友信陽淺田識此有  
慨于此。於上世以來。醫人事蹟。編錄有  
年。頃者就其書中。析慶元而還。至寬政。

命曰皇國名醫傳。將梓以廣其傳。謁予  
一言。蓋自我


神祖勃興。撥世亂。開太平。今已三百年  
矣。廟猷深遠。養多士以古祿。醫亦在  
其中。不肯與龜卜齒。又。歷代擢醫工  
之尤者。更列諸鑿官。是以英偉絕特之  
士。往々傑出于其間。而學術之精良。遠  
軼于前古。固非西土輓近可比焉。是迺




此撰之所以先慶元而還也。識此抱卓  
異之才。挾張孫之伎。際斯盛明。奮筆  
以傳名醫。豈非能為古人之所難者乎。  
或謂近世有滙錄儒先言行。題曰叢談  
者。此書殆亦其類。識此艷然曰。我所編  
傳也。非談也。予是以知識此所自期者。  
迥出于庸常之外。若夫編述之取舍有  
法。其可傳於後與否。則世自有公論。何

俟予贅焉。

嘉永四年辛亥春三月既望江戸西  
城侍鑿法眼兼醫學教諭喜多邨直寬  
士栗撰



鈴木清熙書



郵嘉平刺

皇國名醫傳序例

惟常弱冠有志聚名醫事蹟自上世以至近時簡冊所載口碑所傳凡涉治療者遇輒蒐錄焉今就其中取偃戈以還釐為三卷其餘考覈未慊弗敢輕出此編所依據行狀墓誌系譜傳畧及其所自著書諸家文集劄記等務求核實疑者闕如惟常草澤賤工從不慣文翰何敢述作自任唯使先賢佚事緒言因此或傳舛陋取譏所不辭也但憾見聞淺狹遺漏猶多博雅君子肯為補足幸甚

饗庭東庵林市之進味岡三伯井原道閑淺井周伯

小川朔庵堀元厚黑川道祐竹中通庵松井材庵等皆當世名家而人品事蹟未能詳之概從割愛編中有儒而兼醫者有醫而兼儒者或有先儒後醫先醫後儒者身既非專門然言通醫理亦皆收載以其裨益吾道不可遺也

經方有志爰自漢史知人論世必究其書各家著目存佚齊舉附之傳末以便省覽

皇國醫學上世姑置二百年來斯道之盛實以一溪曲直瀨氏為中興篤矢矣蓋是時西土李朱之學始傳于我一溪受之於導道三喜主張其說三世祖述

一時俊彥多出其門國譯之書家著戶撰金元醫風靡然被世至岡本一抱更加詳密雖俗士蒙生皆能解醫籍其功偉矣然其流弊有不可勝言者焉享元之際丹水友松之徒稍唱復古於是豪傑迭起而和之迨東洞直沂秦張面目一變同時庶門深湛醫經多刻古方書使後進識所嚮往繼以桂山考據根柢之學而醫道晰然究歸至精凡此諸先生者際會時運振起廢墮以開誘後人有大功于我醫雖家尸而戶祝可矣此惟常所以編脩此書而以諸先生為首尾亦欲使學者之知所矜式也

皇國名醫傳  
嘉永四年歲次辛亥孟冬

淺田 惟常 識

序例終

皇國名醫傳目錄

上卷

曲直瀨翠竹院

子延壽院  
孫今大路玄鑑

曲直瀨養安院

孫平庵

曲直瀨壽命院

子德隣

施藥院全宗

子宗伯

片山宗哲

岡本啓迪院

野間壽昌院

子三竹 西三博  
安富三育

山脇養壽院

板阪卜齋

五十川了庵

井上交泰院

曾孫俊良

武田獵德院

孫常春院

長澤道壽

中山三柳

古林見宜

古林見桃

永田徳本

片羽道味

堀杏庵

江村專齋

伊藤坦庵

半井宗珠

有馬涼及

子元函

板垣宗懔

宇治田雲庵

田中周山

國玄貞 深見玄岱

杉山和一

三島元真院

島浦和田一

松岡意齋

吉田意休

垣本鍼源

菅沼周桂

千田玄智

向井元升

杉本忠惠

西玄甫

栗崎正羽

吉田昌全

村上自伯

橘林豐常

森友益

村上春臺院

并河天民

岡本一抱

中卷

名護屋丹水

芳村恂益

後藤良山

孫慕庵  
山村通庵

北山壽安

飯田棟隆

加藤謙齋

稻生恒軒

高森正因

香月牛山

稻生若水

松岡玄達

丹羽正伯

野呂元丈

小野蘭山

太田大洲

阿部將翁

田村藍水

子西湖

曾占春

林一鳥

松原慶輔

子敬輔  
福島喜又

目錄

三

勿吳藥室藏

奧村良筑

荻野元凱

戸田齋宮

香川修庵

惠美三白

山脇東洋

永富獨嘯庵

吉益東洞

下卷

望月三英

子計良喜又

子德博

子德博

從子主善

子貞璋

有木元善

龜井道載

子南涯

稻垣辨藏

龍鶴臺

中村貞治

田中愿仲

田中愿仲

田中愿仲

田中愿仲

田中愿仲

田中愿仲

田中愿仲

田中愿仲

原芸庵

太田見良

鳥海玄達

内藤泉庵

畑醫學院

福井楓亭

淺井圖南

賀川玄悦

中西深齋

山田圖南

原尚庵

下身年

如中文錄

如中文錄

如中文錄

如中文錄

拓植龍洲

子元迪

子鷹山

川越大亮

小野壽軒

川村壽庵

村井見朴

子椿壽  
帆足通損

岑少翁

瀨丘長圭

多賀屋安貞

吉村遍宜

和田泰純

竹中文輔

池田瑞仙

華岡隨賢

子良平

桂川甫周

中神右内

橘南谿

原南陽

津田玄僊

目黒道琢

鈴木良知

多紀永壽院

片倉元周

多紀桂山



目錄終

皇國名醫傳卷上

信濃 淺田惟常著

曲直瀨翠竹院

子延壽院  
孫今大路玄鑑

曲直瀨正慶字一溪通稱道三

號雖知苦齋  
又盡靜翁

平安人幼

從浮屠寓相國寺落髮曰等皓能誦三體詩東坡山谷

之集長而遊足利學校得文伯者師之博通群書時田

代三喜前傳出挾李朱之術周游四方正慶見之柳津喜

其說從而學三喜乃授以祕訣術成反京師人爭乞治

全活無算毛利元就在出雲島根疾篤招正慶正慶往

而處劑危證頓除正親町帝徵見賜號翠竹院以蓋  
翠竹與雖知又詔上所著啓迪集救僧策彥為撰  
苦聲近也其序以行于世於是正慶國手之稱一時翕然將軍足  
利義輝厚遇之幕下侯伯細川三好以下莫不崇禮年  
老猶逮事豐臣太閤及我神祖皆被眷寵四方問業  
者陸續盈門幕府醫官率其門生及他仕藩國者不遑  
枚舉當時名醫有半井竹田坂吉田傳出前編諸家然皆續  
脩先緒更精其事唯正慶特起而其術最顯蓋我邦中  
葉醫學衰廢鮮能講明之迨正慶出首揭李朱為表準  
又能著書勸誘後進於是軒岐之術復盛于世稱為醫

方中興之祖矣正慶晚改號享德院卒年八十九慶長  
中贈法印子正紹

正紹初稱玄朔天正初奉敕受父稱道三號東本姓

某正慶甥也正慶子死養而為嗣九年正親町帝

不豫召上藥以功自法眼進法印賜號延命院後改

延壽慶長二年後陽成帝不豫諸藥無効及正紹

侍診痊尋奏勸灸治先是至尊不灸詔下廷臣議竟

從正紹請後從台廟赴江戶賜第於城内於是定使

在京諸醫隔年代居江戶正紹亦喜教導生徒出其門

者名皆用玄字末流別支終遍海內至今醫名稱玄猶

醫藥室藏

浮圖曰釋亦可以驗其盛也子親純

親純字龜溪通稱玄鑑後亦襲道三幼有才譽父正紹訓督不假人或稱其賢正紹應曰否不至樊籠禽鳥以為玩娛而已豈謂賢邪及長學業優博世望相承鬱為醫宗文祿初任典藥助賜姓今大路元和九年東福后婉難親純護治得安寬永三年台廟在京師會崇源大夫人有疾告急公使正紹赴診親純時疾輿而從途卒

翠竹院著啓迪集外有正心集摘英集要語集指南鍼灸集醫燈配劑出燈配劑捷徑辨治集切紙日用

食性養生物語雲陣夜話等

延壽院著有醫方明鑑延壽撮要藥性能毒聖功方十五指南宜禁本草脉論小兒方常山方及行義師語錄病因諸治例濟民記製劑記惠德方及增補本草歌養生日覽異名記安智心法傳袖中集提耳談佐寸乃美古衆方規矩山居四要拔萃天正記續天正記等

曲直瀨養安院

孫平庵

曲直瀨正琳字養庵

號玉翁

初一柳氏父曰怒心山城人

正琳幼執贄於正慶正慶察其異資授之禁方妻以女

孫遂冒其姓文祿四年 正親町帝不豫 召上藥  
 以功敘法印慶長五年 後陽成帝不豫令正琳治  
 即有殊効賜號養安院後奉幕府命隔年東下正琳性  
 恬靜恒抱飛遜之志數歲致仕歸鄉里子正圓先死養  
 外孫玄理繼職初浮田秀家夫人得奇疾醫莫能治正  
 琳為除之秀家大喜及朝鮮役獲書數千卷舉以為贈  
 焉故其家至今多藏韓本云玄理字一有子正珍  
 正珍一名正球號平庵又同齋少刻心刀圭恒慨僻鄉窮氓以乏  
 醫藥多致夭折請往八王子鄉廣施治療居數歲召補  
 番醫天和初進侍醫敘法印襲號養安院元祿寶永間

治尚威嚴當時侍御之臣有少過差輒蒙譴責以故人  
 人惴恐惟正珍夙得眷顧出入優游兼為風議之臣者  
 三十餘年未曾有過失居第在城東卧必西首其謹厚  
 若此加祿至千九百石前後賞賜不貲性好施與所得  
 金帛隨手散盡子正珪字君瑞號雲繼職進法印亦襲  
 養安院正珪學于荻生茂卿長文章稱于世  
 曲直瀨壽命院子德隣

曲直瀨宗巴字德岩號立安丹波人本姓秦幼敏捷鄉人  
 為連歌會宗巴為之執筆時年八歲已長學醫吉田宗  
 桂門宗桂奇其才不待以門生謂曰我術不足以盡子

才宜廣擇良師以極其所造焉宗巴於是從正慶問醫方之要素難及張劉諸家之書靡不熟貫正慶授以已姓聲譽益著金澤侯前田氏患面腫醫為瘡毒治之不驗招宗巴宗巴曰是非瘡毒邪氣所感而發傷寒類耳乃為其治數日愈有宿重宗巴術者雖平時每請診視一日診畢告曰子命恐不過來歲矣其人不信至明年秋果死宗巴初仕豐臣秀次秀次為奏敘法印賜號壽命院慶長五年神祖在京師遣左右訪宗巴安宗巴往拜尋命為待醫宗巴嘗有航海入明之志上言曰醫治之所賴唯良藥耳然西土藥物一憑商舶所齎其真偽

美惡無由辨詰以應疾病豈不殆乎願賜官書奉使明國就其良醫咨度講論則不唯親驗藥品於治術亦將有所得焉神祖嘉其志然有他故不果允宗巴好文學博涉典籍馬氏素問世不能講說宗巴始講之聽者常數百人子德隣

德隣字有室阪淨慶子宗巴乞而為嗣猷廟時特命德隣及曲直瀨親純為諸醫長德隣既貴而其施術尤急貧賤者當世多之宮城某丹波守患傷寒一醫以為陽證而治之病益劇一醫以為陰證爭論不決德隣診曰是陰陽共不足之證乃與藥如法而痊其術概若此

壽命院著有素問注抄醫學的要方鍼灸參伍的方。

炮灸評鑑本草序例抄及徒然草抄一炷煙等一炷煙

古今香品奉一本後陽成帝救撰宗已家藏玉海通鑑綱目當世唯一本尤所珍惜及卒遺命獻幕府云

德隣著有善從集老蜨草等

施藥院全宗 子宗伯

施藥院全宗近江人丹波康賴之後以全宗父子為施

藥院使因以為氏全宗初入叡山為僧後舍去學醫於

曲直瀨正慶仕豐臣太閤有寵常侍左右天正中任施

藥院使敘法印 孝謙帝時敕置施藥院普濟良賤

疾苦後廢久矣至此太閤奏興之全宗子秀隆亦獲太

閤恩遇賜偏名授藤原姓敘從四位任少將聚樂之宴

亦與焉先卒全宗乃養宗伯為嗣

宗伯亦近江人三雲資隆子幼育于一鷗宗虎前傳出因

學醫全宗乞而子之慶長四年繼為施藥院使敘法印

神祖雅稱其術小山之役召從屢服其劑每公族有

疾輒命治應手而差特賜邑於本國神祖入朝駕臨

其家更衣裝後以為例云

宗伯著有撮要集

片山宗哲

片山與安通稱宗哲山城人父俊實與安出嗣叔父宗

仙宗仙好學最喜醫方師一鷗宗虎名聞于豐臣太閤  
太閤召見之宗仙不樂仕官隱居以終與安亦從宗虎  
術極深奧宗虎薦之 神祖即命引見遂止以為侍醫  
慶長五年 神祖西征將抵關原次清洲是夕遇寒疾  
將士憂懼與安奉劑明日頓愈數歲自法眼進法印又  
救敘僧都與安固辭不拜 猷廟三歲有疾劇衆醫  
告術盡 神祖在駿府聞之即日駕如江戶命與安治  
渴減熱退不終旬痊元和二年 神祖疾作與安侍藥  
甚勤數有所論請以過直忤旨蒙譴見逐亡幾 台廟  
召還謂之曰汝感先君知遇致忠所職非有他腸雖蒙

譴責先君豈終惡汝哉汝宜廟拜謝罪即賜暇數日往  
謁日光廟於是與安復仕 台廟

岡本啓迪院

岡本諸品通稱玄治平安人學醫於曲直瀨正慶正慶  
擢為講長時年十八元和初敘法眼九年 台廟辟為  
醫官後進法印號啓迪院啓迪院正慶學館之號嘗私  
授諸品者至此 救而稱之寬永六年 猷廟痘瘡期  
至結痂將行酒浴 公保母春日謂衆曰酒浴之法在  
西土所未聞廢之可矣衆莫答焉諸品進曰西土所無  
而本邦行之者固多奚止酒浴令闕而不行是前古嘉

例一旦廢絕而可乎哉且西土自有其事意君未知耳  
 乃探懷取一書指而示之曰請以解惑因大言由是等  
 事非俗流所知况婦人乎春日大慚終行酒浴諸品門  
 人甲賀通元號健齋弟景元並著於京師  
 啓迪院著有燈下集玄治配劑口解玄治方考家傳  
 預樂集增補濟民記通俗醫海腰舟傷寒衆方規矩  
 等啓迪院家藏梶原性全萬安方五十卷世所稀有云  
 健齋著有醫方紀原重訂古今方彙

野間壽昌院

子三竹西三博安富三育

野間玄琢

號白雲老人

平安父父宗印與曲直瀨正紹友善

故玄琢幼入其門年十六正紹命代已講授學徒慶長  
 十五年敘法橋數獻御藥以功賜號壽昌院累進法印  
 寬永初謁台廟于二條十三年東福后不豫彌  
 留玄琢精治得効后體尋寧以積勞特免其東下  
 專奉后宮當時醫官率家京師往來給事于天朝  
 及幕府至子孫皆徙江戶其歲月後先詳于家譜今皆  
 不錄而京師別有御醫尚藥咸係廷撰其以幕府醫負  
 伺候京師如玄琢者世謂之附禁裡醫師玄琢後世亦  
 徙江戶子成大

成大

一名字子苞

號柳谷又靜軒

以父蔭敘法橋累進法印襲



號壽昌院職掌如父時成大強記淹通善講解素靈諸  
 書時人莫能及焉門人西三博長崎人名著于遠近寬  
 文初詔至京師擢御醫敘法眼三博門人有安富三  
 育者肥前多久人繼業居長崎亦善其術  
 壽昌院著有群方類稿  
 柳谷著有北溪含毫古今考沈靜錄古今逸士傳學  
 醫通論醫學類篇修養編四時幽賞俗語錄病餘友  
 古錄竹窗漫筆席上談桑華紀年本朝筆藪本朝言  
 行錄本朝詩英群書考望海錄呼燈錄備忘錄讀書  
 得閑編覆醬集頭書等

山脇養壽院

山脇道作字玄心岐阜人學醫於曲直瀨正紹元和六  
 年東福后不豫徵獻方劑醫官有玄田者薦為  
 御醫久之任尚藥敘法印尋賜號養壽院道作歷事五  
 朝最得後水尾上皇東福太后眷注兩宮不  
 豫必令道作診每奏服食修養之方無不嘉納嘗患頭  
 瘍上皇令中使日夕問安輒賜以物既愈詔以  
 年老特許中杖上殿和歌山侯有疾南龍欲請道作  
 上皇弗遣曰朕不可一日無道作道作不在朕心不  
 安幕府賜俸例往江戶謝恩亦有詔止之上皇

嘗謂侍臣曰貴耳賤目世俗通習朕謂使東垣丹溪復出于今與道作並驅誰能軒輊之乎其信重若此道作無子養甥玄修為嗣子孫繼業世為附禁裡醫師襲道作及養壽院

養壽院著有養壽錄醫方捷徑原病式集解等

板阪卜齋

板阪卜齋初稱如春其先世為御醫至父宗商往甲斐倚武田氏武田氏亡乃仕神祖如春幼喪父神祖哀之命意安田吉宗恂田吉宗虎鷗宗伯院施藥等共教導之及長襲父稱卜齋給事駿府神祖晚節尤留心於濟

生據和劑局方製良藥以賜諸臣卜齋每與其事和歌山侯初就國命為侍醫居有年從世子遷于江戸嚴廟少時屢服其藥每有効後乞老退居淺草治圃多植藥物又喜聚方論牙籤累積日以灌圃抄方為事時出訪山翁溪友之疾蕭然有物外之思年七十八得病自知不痊乃謁紀侯告別而反尋卒卜齋藏書每部有淺草又庫印記世至今珍之

五十川了菴

五十川春昌後更春意一名通稱了菴平安人幼孤鞠于盛方院紹繼近古醫官率以號因學醫長遊內田默

庵之門又從學曲直瀨正慶吉田意安其術早著慶長  
中少將忠輝就封于川中島幕府辟春昌從之將發  
神祖召見于伏見顧忠輝曰了庵名醫今屈在汝汝善  
視之忠輝頓首謝其移封於越後春昌從徒在越數歲  
治効頗多及侯國除春昌歸京師絕意仕進淡然自守  
而術益行于世

了庵著有藥名異錄針灸要畧飲食纂要等慶長七年了庵

初刻太平記神祖嘉之命復彫東鑑資以幕府之本云

井上交泰院 曾孫俊良

井上玄徹號靈周防山口人本姓田谷出為廣島井上

氏嗣從曲直瀨正紹受其術正保中初謁猷廟于京  
師尋辟侍醫甲府慶安三年猷廟有疾召入宿直會  
津侯患咯血醫難其治嚴廟命診之玄徹處方侯旋  
痊公厚賞之延寶五年東福太后不豫幕府命  
赴京師上藥敘法印賜號交泰院在京數月 後水  
尾上皇 後西院上皇屢召候脉玄徹勤業不避  
寒暑又善教育子弟門人以千數聲稱籍甚列侯宗室  
無不延請自古一診之報有以銀三千枚者玄徹及井  
關常甫二人耳常甫通稱玄悅近江人嚴廟時以名  
醫辟敘法眼玄徹曾孫俊良

俊良號雅篤學精術家聲再振 德廟時擢侍醫敘法  
印號交泰院門人尾張竹田恭明刻所受禁方及經  
驗良方曰醫方精要卷首載俊良書牘其論古今病狀  
之變遷治方之沿革醫籍之臧否及所以講習之方鑿  
鑿中窾可謂通識矣而其施術之跡不傳論者惜之

武田獵德院 孫常春院

武田信重通稱道安其先從安藝徒伊豫父時再徙京  
師信重業醫有名元和九年 後水尾帝不豫 徵  
入侍診又屢治 東福后不豫以功敘法眼寬永八  
年 台廟有疾辟至江戶是年進藥於 猷廟於是命

隔年東下如諸醫例尋敘法印 皇子某疾篤信重

治之賜號獵德院年七十九精力不衰被召赴江戶療

執政小濱侯病酒井信重雖寄跡於方伎尤好儒學始

讀書東山後從藤原肅肅嘗目信重曰純粹子又與林

信勝親善肅卒師事信勝其在東每就而講究經籍先

卒豫製棺斂具一椽朱子家禮云數世有信卿

信卿字叔安以字稱號于本姓黑川父玄逸字道裕京

醫巨家兼以博洽聞信卿少有俊才外舅武田氏乞而

為嗣既繼職享保中官刻醫籍命醫負有才學者校之

信卿校讐痘科鍵嘗謂業以勤精診人不多何以曉術

皇國名醫傳 卷之四 勿誤藥室藏

不問貴賤有請必往是以病者麇至其門術亦益精穩  
進侍醫敘法印賜號常春院寶曆中以年老特免宿直  
許乘轎至內門歲賜金三百兩以報其勞皆異數也  
獵德院著有記珠方苦口利方經驗影響等

長澤道壽

中山三柳

長澤道壽號柳菴又丹陽坊賣藥山人土佐人受業於曲直瀨正紹  
吉田宗恂記誦汎濫頗以自負近隣有一老醫人推其  
術道壽遇沈痼難療輒遣乞治老醫措方無不中者於  
是始知己技未至折節執贄於其門老醫弗受曰余非  
有他能獨自少讀萬病回春未嘗釋手以至今日自顧

少所得安堪為人師乎乃出示回春八本皆編絕紙爛  
不可收拾道壽大慙退而專心鑽究其術大成世稱曰  
土佐道壽當時名流如田代三喜稱古河三喜永田德  
本稱甲斐德本皆以國稱而道壽亦與焉其盛可知矣  
中歲仕織田公無幾辭去家京師其學祖述素難折衷  
李朱尤致精於藥品大阪堺市藥舖至今稱藥之良者  
曰土佐用道壽少與古林正温親善及疾將歿子弟請  
迎他醫參治道壽曰吾疾不可為顧爾等厚我寧傷其  
志乎今世之醫無踰見宜者為我請一來時正温在大  
阪得信即至執手道舊久之察其病曰子自為治方無

間然嗚乎亡之命矣夫遂訣去世傳為嘉話道壽嘗做  
 朱子小大學之意定醫學進修之序設七科以為小學  
 七科一曰辨藥陰陽氣味功能凡三百餘種二曰辨古  
 方本旨及其製法凡三百餘方三曰識治療大法凡五  
 十門四曰參古醫案以意處方凡五百餘條五曰辨脈  
 六曰針灸辨腧穴所在凡百餘所七曰講習醫書可羽  
 翼經方者又據倉公言黃帝扁鵲脈書上下經五色診  
 十餘部  
 奇恒揆度藥論石神陰陽外變接陰陽設八科以為大  
 學八科一曰審經絡腧穴所在三曰審藏府形象統屬五曰審氣  
 九曰審分寸識病所在四曰審藏府形象統屬五曰審氣  
 運常變察病機六曰審四診法七曰決死生八曰審八  
 風虛邪所乘勞倦飲食色充其言非兼綜陰陽律呂風  
 欲諸傷以定針灸藥治方充其言非兼綜陰陽律呂風  
 候不足以道醫嗚乎難矣然是皆道壽所躬踐非空言

也古人為學精苦如此胡可及哉門人中山忠義通稱  
 三柳號花軒大和人仕津侯後辭祿居京師方術至精兼  
 通文藝一時稱碩工

丹陽坊著有醫方口訣集又有數醫問答治例問答  
 門人所錄

三柳著有增補醫方口訣集切要方義病家要覽遂  
 生雜記醍醐隨筆飛鳥川蹄疾集保兒三方等

吉林見宜 吉林見桃

吉林正温通稱見宜號桂庵又壽仙房播磨飾磨入赤松氏則  
 之喬祖祐村好醫方往學明國居數年術多奇効及去

明主賜蜀錦其紋織成禁方世所傳祕傳錦袋子是也  
 父斲庵正温夙受家方又從曲直瀨正純于京師正純  
并德安子為正慶女婿亦冒曲直瀨氏正慶授以享德院之號學丹溪之術兼攻張仲  
 景劉守真李明之三家之言極其微者時掘正意亦師  
 正純兼善文學二人相謀建學舍於嵯峨四方生徒一  
 時雲集為忌者所阻事遂中廢正温與福岡太侯水如有  
 舊侯延而為客筑士有患冷疾三年夏天重裘擁爐而  
 坐火氣熏面狀如癩痂正温視之曰是伏熱也治法用  
 灌水經所謂行水漬之和其中外者昔徐嗣伯用之治  
 房伯玉疾冬天猶可况夏時乎速命設水親戚私議曰

太冷之人入水氣即絕矣病者聽之顫慄不肯進正温  
 叱曰汝何怯是小盤水乃爾畏縮他日臨陣豈能了事  
 可惜爾君以五百石粟養汝無用之徒病者大怒決起  
 赴槽灌頂可半時問何如病者曰温和快不可言吾不  
 欲離水正温曰可矣乃出於槽調以藥劑二旬而愈又  
 博多鄉民病熱悶亂正温亦洒水自昏達旦而解在筑  
 數歲去家大阪設學舍教授生徒再湊著籍至三千餘  
 人備前商患五更瀉數年謁治正温依歐陽氏法與車  
 前子米飲送下數月問得無有異乎曰無唯覺中熱  
 唇乾耳正温曰疾始可治乃與五味異功散宿患卒消

室女笄年病傷寒醫發散之既而沈昏不省人事正温  
 曰是陰躁也不可投寒劑作蘇合香圓如彈子大石膏  
 衣之冷酒磨服服已忽發躁家人蒼皇來告正温教盡  
 餘劑既而女熟睡達旦及覺精爽復故正温遣人診之  
 且囑曰必有發瘍居二日瘍果發于頭鍼之血出而痊  
 正温術綜諸科不擇大小男女喜用灸炳亦時以毫鍼  
 刺榮俞或問灸有禁忌忌日然乎正温答曰元日不可  
 灸眼睛不可灸不知其他福岡侯長政遣齋西洋藥品就  
 訂良否正温品第之且告使者曰近世蠻藥來益多種  
 人情好奇爭而趨之然殊方之物難明實多千金之子

坐不垂堂是豈尊人所宜試乎哉和歌山侯南龍面黃  
 腹脹體漸疲憊累醫無効招正温正温曰脉虚而無力  
 是中焦之濕痰也用蒼朮膏則差矣因謂侍臣曰貴人  
 有疾醫恐誤治獲罪數引他人後醫視前醫吃為大患  
 不審其證唯補護之事時月漸遷機會既失一旦有變  
 雖和扁無復所施術此古今之通弊也老臣三浦氏深  
 服其言侯病亦尋瘳正温道進乎伎故言論有味如此  
 板倉侯重勝為諸司代在京夙重正温欲奏朝敘法印辭  
 曰近時醫師皆帶僧官名實舛乖正温不敢奉教侯悚  
 然益加敬禮門人古林長喬



長喬通稱見桃號知平安人正温舉為學舍長名次正  
 温長喬有子失明教之琴不屑學醫長喬禁之不可一  
 日從容謂之曰醫之於四診不可少一張仲景所舉目  
 中不瞭瞭睛不和面赤色發黃等諸證汝無目何以辨  
 之其子大悟而止


見宜堂著有正温方青囊真方撮要方日記中棟方  
 外科單方配劑妙藥速効方難經或問詩括首書醫  
 學入門假名抄假名雲林神穀醫學童子抄纂記抄  
 等

見桃著有寶餌正規杏林筆談醫療歌配劑教訓忍

草等

永田德本

永田德本號知三河人以醫仕武田氏武田氏亡去周  
 覽上國晚年退諏訪自構茅廬而居焉出則頸掛藥囊  
 踞牛背有請治者與藥一貼取價十八錢有丐者乞藥  
 告以定價曰丐焉得有之德本曰嗚呼死矣命也夫吾  
 如汝何遂弗與寬永初台廟有疾久而不差或薦德  
 本命召之德本時年百十有餘至則公病危劇德本  
 一診即擬峻劑衆醫爭之德本固執己說巽然不屈  
 公聞而信之令進其方果効既愈賞賜優渥德本固辭



唯受藥價數十錢而去屢下辟命賜以田祿輒辭而弗就最後請曰臣故友有負不能自存糊口四方者願得一廛使其有投老之處即賜地於甲斐山梨鄉人傳曰德本宅德本施術出人意表有貴人患熱不解邀德本德本先問其所好惡曰吾欲食瓜吾欲去衣被與屏障德本諭近臣盡如所言且許之飲冷其人稱快明日病減半室女患痢醫治無驗德本往視因問便時如何家人對曰即禡設淨器置屏圍之看護者皆在焉德本曰有是共痢之不能減也室中就清孰能快通况女子乎乃設廁十步外令婢一人從而病頓差其他告旱農以

將兩告怨婦以夫歸或急議昏娶或激令之怒或鉗令之悲或恐懼震撼拔劍斫之之類觸情投機轉其氣而奪之隨以藥其技峻拔他人不能學也德本受術於出羽人殘夢又從月湖之徒玉鼎及田代江春修丹溪之方而其所獨詣直薄秦張驅使峻毒毫不顧忌蓋其人精悍有氣力出以鍊熟故遊及所至靡不迎解洵近古之所罕匹也卒年百十有八門人傳其術者馬場德寬今井德山事逸不傳  
德本著有梅花無盡藏醫辨救急十九方等  
片羽道味

片羽道味駿府人隱于醫有異術 神祖欲祿之使人  
問其意弗肯他列侯聘命未曾為答唯好獵日肩鳥銃  
以山野為家而腰間常著大藥囊水戶侯在駿府食雉  
中毒多方不解請道味值其出獵使者即要之野既至  
不解野裝入視侯曰勿憂吾今使安乃煎生薑進之俄  
吐而絞痛頓息道味曰病除矣引銃直出侯欲止之弗  
顧道味有所常善一工謂之曰汝有中風之證宜豫防  
之因喻以攝持之方工不能守後果卒倒而絕家人走  
託道味怒曰不用吾言今若何徐食不起家人恒擾請  
者相續道味食畢又就浴有間才出往為施術工遂得

蘇因顧其子曰汝父肢體已癢作癢不復能如前然幸  
不死從今汝善事之子叩頭而謝有蛇入陰中者道味  
置小蛙於盤水以挑之蛇出頭輒却之蛇益出乃包椒  
末納他蛙口中換而與之蛇得蛙即吞觸椒苦因遂出  
蓋慮蛇纏腸急取之恐致腹痛因設方出之也

堀杏庵

堀正意字敬父通稱杏庵近江人受業於曲直瀨正純  
攻研內經註證發微前是讀素問者皆據王氏正意始  
主馬氏又從藤原肅而學敦行篤學世目正意及林信  
勝松永遐年那波舩為藤門四傑三子才鋒相競而正

意獨退然其際衆推長者初被廣島侯聘時名護屋侯  
敬崇學好士聞正意名欲得之遣人乞諸安藝正意於  
是轉仕尾州侯請于朝敘法橋進法眼寬永中如江戶  
謁台廟尋奉幕府旨入弘文院編修諸家系圖別自  
撰武家系圖若干卷

江村專齋

伊藤坦庵

江村宗具

號專齋倚松庵

又別所氏之族祖榮基

備前守

三石城

主別所氏滅遁匿京師遂家焉宗具從曲直瀨宗巴學  
醫又攻濂洛學以儒醫仕隈本侯加藤氏朝鮮役從焉侯  
國除歸居京師津山侯森氏就而祿之待以師賓寬永四

年宗具年百歲

後水尾帝召見問何修而得壽

如此對曰臣無所修唯平生持三些字飲食些思慮些

養生些

帝稱善賜鳩杖錢帛及酒茶子孫榮之以

賜杖名其堂是歲庭松生芝人以為祥尋卒其友伊藤

宗恕錄宗具平日語曰老人雜話傳于世宗恕字元務

通稱坦菴

號白雲山人又

平安人父宗淳有醫名宗恕

受父術又就宗具及婦翁曲直瀨玄理而講究之仕福

井侯

松平氏

後改業儒

半井宗珠

半井宗珠和泉堺人或云名醫驢庵之族以術聞于其

鄉一夕有老媪以子疾求藥宗珠問其狀媪低聲告曰  
我子有竊疾禁之百方不止聞君醫名儻有制之之術  
所以敢請也宗珠沈吟曰諾乃與一方媪拜謝而去門  
人問其方意宗珠曰吾投以燥肺之劑肺燥而欬嗽發  
則渠不能施其潛伏之伎久之其欲必銷矣衆欣服  
有馬涼及 子元函  
有馬涼及 號存菴又 平安人 後水尾帝不豫累日  
加劇徵涼及入診涼及曰 聖候極重然臣能愈之  
但經衆議則有所不能矣 上允之涼及乃作劑自  
煎以進大泄而危證頗解尋愈即用大承氣湯也以功

擢為尚藥敘法印一日被 召涼及正與客棋使者數促  
不起以不敬見逐 召還嘗應某侯招往治其疾  
居數日請曰老夫不堪寂寞願借侍女候擇麗妹二人  
納諸其館涼及大喜晨夕與之同處歡然相得臨去終  
乞于侯既而出所得幣為作裝而嫁猶處子也其曠達  
率類此涼及三子相繼業皆襲父稱有與名護屋玄醫  
同時者共爭名涼及老而聾玄醫病而聾互以聾聲相  
詬一日病者來乞診涼及曰如是病狀尤為聾能事試  
往請治第汝病在耳彼視察不及于此是未得其術也  
吾乃為汝痊之病者從其言玄醫既診頃之曰病候在

皇國名醫傳 卷之七 廿一 勿誤藥室藏

三國名醫傳

論難釋夫覺有

耳矣更審其狀然後與之藥涼及聞之曰難釋夫覺有  
技如此四世曰元函

元函愛酒放縱不拘嘗囑病家曰謝幣願見密與不者  
賤婦取充米鹽之費甚可惜也然盡心醫術平時讀傷

寒論未嘗上手哀集家說著傷寒論神解其書唯解太  
陽三篇以為傷寒傳經止此三篇陽明以下所謂中寒

也又曰未為次傳者標之以太陽已次傳者標之以傷  
寒亦一家之見也伊藤長堅薦為紀藩醫上并侯有病

求醫於京師有馬丹山應招而至侯既危篤諸臣憂懼  
丹山診畢祛藥筐舉白末如雪者沈思良久曰殺之耳  
聞者愕然皆疑其妄一老臣謂衆曰公病日迫衆無術  
施彼乃決然下匕必有所見不如且進其藥也從之果

効丹山已反途過三國娼家有一殊色悅之將率去女  
請脫籍丹山顧謂其家曰汝往侯府取償米按涼及  
於風趣亦甚相肖疑是一人而丹山其別號漫遊雜記  
偶舉別號而稱之也然無他書可證故  
不敢問正傳姑附載於此以竝後考

板垣宗愴 鈴木宗與

板垣矩字隆德通稱宗愴江戶人受業於幕府醫官方

啓院仕水戶侯矩兼善儒學侯有脩史之舉命任編纂

為請于朝敘法橋侯又憂萬葉集無正解欲薈萃諸說

折衷歸一矩復參其事未竣而卒矩為人方正嘗侍宴

或勸侯曰宗愴少慣猿樂必有可觀矣盍使試為之侯

命矩矩頽然張目弗肯應命一坐決興侯徐言曰儒醫

醫國名醫傳

三

勿誤藥

之道與弄臣不同宗懔堅拒固其所也因賜褒賞勸者  
大慙同時有鈴木宗與者亦為侍醫有能名事逸不傳  
宇治田友春通稱雲庵本猛家子運斤絕腕不能操業

奮然思所以自立去而學醫竟以國手稱仕和歌山侯  
延寶中侯有疾他醫治之無驗乃命友春友春將用真  
武湯衆拒以無厥冷之證友春曰厥冷然後用附子買  
紙屑奴亦知之仲景於真武特言發熱有深意存焉衆  
不能難遂作真武湯每貼重四錢進之即差  
雲庵著有醫學辨害

田中周山

田中周山初名三負長崎人從西三博而學延寶中三  
博薦上藥於 后宮以功敘法橋既與三博不協辭  
而反鄉改今名周山用藥不泥古方隨時制宜最能洞  
決治否無言不驗大村侯延而為客侯子重員在江戶  
患聾周山往而療之未幾差元祿中從侯在江戶幕府  
醫官杉浦玄徳年過七十請執弟子禮其為人推重若  
此

國玄貞 深見玄岱

國熙字玄貞以字稱長崎人少受文學於明儒蔣遊莪

學醫術於明僧道亮博通多涉誘掖後進諄諄不倦生徒數百各達其材尤長治療為人和易寡嗜欲終身獨處常葛巾野服自號曰塵隱熙熙子其治病務先貧窮不受其報及歿遺愛為人所思同邑深見玄岱較後于熙亦以儒醫著玄岱字子新一字斗膽號天倚又發山祖高壽覺明障郡人寓于薩摩生子超方超方年十六跡父入明經年而及居長崎舉為譯士更姓深見玄岱從唐津岩永知新而學又受醫方於明人戴笠初名鼎立字則之改名更字耘野又字曼公明吳江人縣學生遇亂棄儒冠隱居後遂投化為僧獨立禪師是也笠自稱少時速雲林龔廷賢年八十餘尚存從之遊得其醫法故邦人多就而問業者笠工筆札玄岱併通

其技延寶中如京師參議風早公實持賞識之薦後西上皇上皇召見問以攝養之方著養生編一卷以進天貞問仕慶島侯止幾以病辭去玄岱為人磊落尚氣節善文章嘗曰大丈夫處世當抗志於青雲安能碌碌與里巷人相徵逐乎勢家豪族必與之抗而有貧窮好學者輒就加禮敬是以為鄉黨所忌媚元祿中清醫陸文齋來長崎玄岱與之會府署共論醫事往復辨難詞理條暢音吐宏亮聽者傾倒後幕府辟為儒官玄貞著有內丹要訣醉鄉醒語及詩文等

杉山和一 三島元真院 島浦和田一



松岡意齋 吉田意休 垣本鍼源

菅沼周桂

毒藥攻其中鏡石鍼灸治其外中外相族而醫事成矣  
古者典藥察之屬有鍼師有鍼博士以脩其業中葉以  
還斯典遂廢天和二年憲廟令曰醫法唯鍼術不明  
蓋因麤工淺學玩荒其術是以失傳爾夫鹵莽施治匪  
徒無益為害必多其圖所以振勵之於是杉山和一命  
任其事而鍼學興矣  
杉山和一初名養慶大和人幼而喪明來江戸學鍼術  
於檢校山瀨琢一琢一術受之於京師入江良明良明

受於父賴明賴明受於豐臣太閤醫官園田道保朝鮮  
役又得明人吳林達傳於是入江氏為鍼科宗匠和一  
既從琢一又師賴明孫豐明兼得二家所長初和一性  
鈍伎不能進數為其師所逐將往京師過江島天女祠  
乃斷食七日贅身以祈一夕困倒忽有人授一物既蘇  
探手中有如鍼與管者於是敝造管鍼以試其術補瀉  
迎隨漸覺應手精慮深思終詣玄妙其流至今用管鍼  
蓋本神授也延寶中嚴廟召見憲廟時侍病有功  
公欲厚賞之謂和一曰汝何所欲對曰臣願得一目  
公惻然憫之曰吾能與汝一目乃賜宅於城東一目

里祿五百石為關東總錄檢校尋加賜三百石命就宅設館為鍼治講習之所使諸生就學焉至門人三島安一更請增設講堂於江戸近郊四所及諸州四十五所術卒徧于天下是為杉山流  
安一伊豆三島人因氏焉繼和一職為幕府醫官敘法印賜號元真院初琢一以瞽工顯和一安一繼之鍼科遂為瞽者之業門人有島浦和田一  
和田一米澤人性聰敏妙悟鍼治國侯善之為請于朝敘勾當進檢校和一安一子孫不能繼職於是擢幕府醫官總學務子直秀通稱春徹改氏和田繼職敘法眼

和一著有杉山流首卷大概書節要集三要件謂之杉山流三部書總名曰首卷

其徒尤撰鍼論等

元真院著有真傳流表卷中卷真傳流秘密卷別傳

三關法等

松岡意齋不詳何所人慶元間居京師以善鍼聞始以金銀製鍼取其溫柔也其術以小槌打入膚肉槌形圓而匾下鍼不過數處而莫病不愈是為意齋流打鍼禪僧澤菴江月輩亦入其門其著者有森吉成與田某通稱衛門九郎右加茂祠官駿河吉成通稱仲和父宗純通稱和父子俱事意齋吉成尤稱良工又精腹診性高潔不屑售

伎隱居以終駿河通稱駿河仕幕府是為駿河流  
吉田意休出雲人世為大社祠官永祿初意休往明國  
學刺鍼於崔林杏氏名琢留七年盡得其法著刺鍼家  
鑑授子意安意安授子一貞一貞居越前福井其術大  
行是為吉田流


垣本鍼源平安人精刺絡著名明和中常謂一鍼足以  
應萬病其言曰凡欲為鍼治者先要靜一其心毀譽利  
害毫不挾諸懷澹然併我四肢百骸而忘之然後按腹  
切脉察病所在隨證下鍼故疾良已而未嘗耗元氣唯  
鍼源得其妙他人學之莫能及也鍼源所用鍼有三小

毫鍼次大鍼次韭菜鍼最大以取瘀血多瘀血者先與  
家方烟天散服之然後用鍼諸癆瘡衆醫所棄皆能瘳  
之治驗見于其書此畧不載女茂登繼父業

鍼源有熙載錄砭道錄皆茂登與門人所輯錄  
菅沼長之通稱周桂攝津人善使用鐵鍼恒曰鐵鍼刺  
皮肉甚利而不傷氣血我伎足破從來鍼家之妄矣因  
以鍼灸復古自任世目長之術曰古方鍼  
周桂著有鍼灸則鍼灸摘要鍼灸治驗等

千田玄智

千田玄智字子韜號大圓堂最上人生聰慧年十三以能講



論語發動邑里初作字甚拙發憤臨摸炎夏不息日夜  
學之九旬書法遂可觀矣志尚超邁恥為鄉人一日亡  
命來江戶托井上玄徹玄徹勸為醫時年十六其將亡  
留書曰兒今去矣若不能成名有死耳父母弗敢追既  
而寔甚不為少挫謂人曰方技之徒通塞顯晦與儒者  
異疾病求藥無時無之已不能精其術以取顯達顧以  
遇不遇自諉豈不可笑乎岡崎侯聞其名聘為侍醫  
憲廟時擢幕府醫官玄智晚節好參禪僧千凱鐵牛徒  
皆賞其機敏家頗富有而不喜侈靡平居誨督子弟慕  
嚴嘗睹其讀釋史召責讓之取書投火又值其圍碁徑

引碁局而推碎之以故子弟皆篤學云

大圓堂著有括祕錄及醫案

向井元升

向井元升字以順號靈蘭又觀水子肥前神崎人父兼義為郡

名族以疾謝事移居長崎元升從遷自幼勤學名顯于

邑中而不欲儒先自居以醫為業近隣諸藩厚聘招之

皆辭萬治初遊京師遂家焉奉後水尾上皇詔治

八条金剛壽法王篤疾於是皇子後宮及諸公卿

有疾皆求其診當時京醫推為巨擘元升再赴金澤療

其老臣疾皆有奇驗侯欲酬以月俸百口且賜黃金千

兩以為學舍之資元升以衰老不任事辭而不受元升素善文學故其治醫籍工夫精密超卓時流子女端字履信繼有聲譽為御醫進尚藥敘法印賜號益壽院次子兼九字叔明為立山儒官兼善醫及算數

靈蘭著有和名本草廣求經驗秘方等十餘種

杉本忠惠 西玄甫 栗崎正羽

吉田昌全 村山自伯 榎林豐重

瘍醫之著長崎為最矣初瘍科有二派播磨鷹取秀次

通稱甚傳古法著外科細壘及新明集顯名於天正慶

右衛門長間是為鷹取流及治平以後其術漸廢而長崎諸醫

傳外藩法者益行于世是為南蠻流其仕幕府者前有杉本忠惠西玄甫後有栗崎正羽吉田昌全村山自伯忠惠受術蕃醫名重當時寬父初辟至江戶為醫官進侍醫敘法眼

玄甫善蕃語為和蘭大通事雅好外科師歸化蕃醫澤野忠菴與忠惠交善每相切劘寬文中以事往江戶見忠惠於殿上退嘆曰丈夫當如此乃區區作蠻奴語而終身乎移病辭職徙于江戶亡幾舉為醫官進侍醫敘法眼

正羽字道仙以字稱後更道有其先食邑於肥後栗崎

因氏焉曾祖道喜生七歲與乳母避仇於長崎離索之急乳母托道喜蕃船走呂宋稍長習瘍科歸長崎以良工稱祖正元少承其業道喜年七十餘授以祕訣正元隨而集錄之以藏于家至子正家其術益廣正羽正家子也年甫十三邑有創者走請正家正家適不在正羽往而視之偽告曰吾父醉矣不能即來令余代治其家難之正羽不可燬瘡癥下鍼十三縫將畢正家方至視其所為頗與己意合相率歸家讓之曰豎子狡獪弄人可惡敢復爾誓弗汝宥而心陰竒之元祿初正羽與昌全自伯同被辟抵江戶為醫官年僅二十九皆進侍醫

敘法眼


昌全號自庵本姓坂田筑後人從長崎吉田鉅豐而學鉅豐

通稱安齋 號自休鉅豐愛其才養而為子鉅豐之術受于同邑

半田順庵順庵受于澤野忠庵三傳及昌全與正羽竝

行

自伯本姓猿渡名佐介唐津人為入恢竒好氣嘗殺人亡命竄于長崎故人家官吏物色迹至其家者三深匿不出數年捕緝漸懈因削髮變形潛就鉅豐受業改今稱三人皆一時之選也  
長崎又有楯林豐重者以荷蘭通事學治瘍於蘭醫頗



精其術世所傳猶林流是也蓋海內外科不論朝野大率自是數家出焉而數家之術皆原本蕃醫當時皆得之口傳手習至近世洋學日闢直就原書研覈其理而外治之方亦益精矣

森友益字雲竹以字稱

號壽然晚改愚然平安人父仲和善鍼

術友益壯歲來江戶會大原五雲業方盛乃從學五雲

明福建人初名珏字寧字姓王氏歸世衣冠以事逃于

朝鮮自朝鮮來遊長崎遂止從名醫一庵受方一庵亦

明人也業成遊四方寬永萬治間稱東方巨工門人多

為幕府醫官者友益既學于五雲五雲方專主龔廷賢

皇甫中而友益更沂于古運用頗廣有患腫脹者脉微

遲無力眾以為不治友益與之香蘇散加附子小便如

決腫脹立消而愈或問其故曰是素問所謂膚脹者脉

雖虛微病不在內故舍脉從證也又有懷妊四肢浮腫

既挽復腫胃脘有物責突胸肋暈倒氣絕醒後短氣喘

悶脉弦數者或以為積癥敗血或以為脾肺虛寒莫敢

下手友益曰是心下停水衝肺產後水源未全除復受

漿藥故溢為腫耳乃作小青龍湯去麻黃加杏仁前胡

陳皮茯苓厚朴與之小便漸利而愈友益為人虛羸而

寡欲不喜趨走權貴有召每辭以疾待弟子有法設塾規十條以誨之深中醫弊蓋有道而隱于醫者也子共之字養竹初以字稱中年植髮改稱嘉內號中性坦率不拘每出省病家籃輿行歌謠曲又好讀老子至一萬餘遍云

中虛著有中虛遺藁

村上春臺院

村上等全號冬平安人世業啞科至等全兼通大方年十六醫名已隆元祿中皇子某有病危急等全侍診奏効敘法眼後任尚藥進法印尋賜號春臺院等全

察病甚慎若有誤治而死者則出遊數日以陶寫其氣家人促歸等全掉頭曰我懊惱不除未可接病者不肯歸嘗往治廣島侯疾侯屬意殷重臨去強問所欲等全曰鄙人無他願唯寢庭巨石頗覺可愛可得請乎侯曰諾乃發役夫數百拖拽隨之行抵播州稍生厭心棄之海濱而去又治鹿島侯疾侯將有所酬之等全曰聞貴國人善競馬願得一寓目侯喜而從之等全善文有逸氣類其為人嘗作二魂傳以述已處世之概荻生茂卿見而殊推賞之

并河天民





并河亮字簡亮以字稱丹波桑田人幼徙京師長業儒  
旁治醫術亮以其師伊藤維禎斥儒兼醫者為不是曰  
今日儒流未必有廩祿兼醫自業奚害于道且專以儒  
自居衣食或不支終亦不能固其志也永富鳳稱亮言  
曰本草毒草部可熟讀知言哉田中必大曰元祿之末  
有并河簡亮先生夙得其綱領而金聲之諸老先生繼  
之各舉其條理而玉振之於是古醫之術炳然詳明莫  
復遺憾其被人推重如此亮有膽識以經濟自任卒年  
三十九門人私謚曰天民子文輔業醫有名自亮好言  
醫事門人往往有儒而兼醫者如渡邊某通稱新藏藤田某

通稱左大夫松原慶輔清水敬長等是也同族柳軒亦以醫  
仕守山侯

岡本一抱

岡本一抱通稱為竹號一木姓杉森世士族出嗣舅家  
祖杏園以醫仕豐臣太閤敘法印父受慶仕福井侯敘  
法眼至一抱三世襲稱為竹一抱徙居京師初從味岡  
三伯講素難時三伯業方盛學徒群集一抱為之高足  
然不脩細行屢失三伯意三伯終絕師徒之義於是退  
為一家之言廣作諸書諉解專以開發淺蒙為已任其  
書大行於時嘗謂其兄近松信盛通稱門左衛門曰兄抱奇才

而所務則演戲雜著於世無益豈不可惜之甚乎信盛  
笑曰吾觀子亦猶是子矻矻歲月從事于諺解吾恐後  
世末學因淺就近不復研究本書鹵莽施術至誤民命  
孰謂非子書為累哉一抱大悟時素問諺解將成止而  
不復作

一抱子著有難經諺解大成運氣論諺解原病式首  
書醫學三藏辨解醫學講談發端辨十四經經絡詳  
解十四經和語抄衆方規矩指南秘傳藥性記辨解  
修治纂要秘訣圖解病因指南妙藥集大成薛氏醫  
案和解和語本草綱目脈法指南醫療指南和語醫

療指南本朝古今醫統萬病治法指南大全方意辨  
疑醫學切要指南及續篇源洵集和語抄醫學正傳  
或問諺解醫方大成論和語古今養生論和解阿是  
要訣經穴密語集鍼灸拔萃大成萬病回春指南鍼  
法口訣指南年中運氣指南百味主能諺解局方發  
揮諺解臟腑經絡詳解雷真君活人方等

皇國名醫傳卷上



